



Broj: 09/2-3-16-4-22451-4/15
Sarajevo, 23.09.2015.godine

Na osnovu člana 64. stav 1. tačka b.), člana 70. stav 1, 3. i 6. Zakona o javnim nabavkama BiH ("Službeni glasnik BiH", br. 39/14), te prijedloga Komisije za nabavke utvrdenog u zapisniku broj: 09/2-3-16-4-22451-1-KJN/15 od 17.09.2015. godine, u postupku javne nabavke izbora najpovoljnijeg ponuđača za nabavku računarske opreme za potrebe MVP BiH, **d o n o s i m:**

O D L U K U

o izboru najpovoljnijeg ponuđača

Ponuđač "**PRINTEX**" d.o.o. Sarajevo sa ponudom broj: 76/15 od 02.09.2015 godine, proglašava se najpovoljnijim, te se imenovanom ponuđaču dodjeljuje ugovor za nabavku računarske opreme za LOT-1 (desktop PC, monitor 21,5", prijenosni računar, server, dokument skener) za potrebe Ministarstva vanjskih poslova BiH.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav 6. Zakona o javnim nabavkama.

Po pravosnažnosti ove odluke, ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 09/2-3-int-1534/15 od 07.07.2015. godine, u kojoj je predviđeno da je procijenjena vrijednost javne nabavke sa PDV-om 112.000,00 KM za LOT-1 i LOT-2.

Obavještenje o nabavci br: 253-1-1-35-3-16/15, objavljeno je na Portalu javnih nabavki dana 28.07.2015. godine, a sažetak obavještenja o nabavci objavljen je u Službenom glasniku BiH br: 61 od 03.08.2015. godine, na osnovu kojeg je proveden otvoreni postupak nabavke roba za potrebe Ministarstva vanjskih poslova BiH..

Analizom dokumentacije pristiglih ponuda, te suštinskom provjerom sadržaja i validnosti dokumentacije, Komisija je utvrdila da ponude ponuđača:

1. PRINTEX d.o.o. Sarajevo
2. GODIMERC d.o.o. Sarajevo
3. IMTEC d.o.o. Sarajevo

zaključno sa rednim brojem 3 (tri),

ispunjavaju formalno-pravne, ekonomske i tehničke zahtjeve Ministarstva vanjskih poslova BiH, te da su prihvatljive i mogu biti predmet vrednovanja shodno kriterijima utvrđenim Obavještenjem o nabavci, odnosno tenderskom dokumentacijom.

U skladu sa tačkom 2.2. tenderske dokumentacije predviđena je podjela na dva LOT-a i to:

- LOT 1- (desktop PC, monitor 21,5", prijenosni računar, server, dokument skener);
- LOT 2- (network printer Tip 1, network printer Tip 2, network printer Tip 3);

Polazeći od činjenice da prihvatljive ponude u formalno-pravnom, ekonomskom i tehničkom smislu ispunjavaju zahtjeve Ministarstva vanjskih poslova BiH, Komisija je pristupila vrednovanju prihvatljivih ponuda za LOT-1, te shodno utvrđenom kriteriju "*najniža cijena tehnički zadovoljavajuće ponude*", svojim Zapisnikom o radu konstatovala tabelarni pregled-rang listu prihvatljivih ponuda ponuđača:


LOT-1

RED. BR.	PONUĐAČ	UKUPNA CIJENA U KM (sa PDV-om i popustom)
1	PRINTEX d.o.o. Sarajevo	91.534,95 KM
2	GODIMERC d.o.o. Sarajevo	92.352,78 KM
3	IMTEC d.o.o. Sarajevo	93.543,84 KM

shodno kojoj je prvoplasirana i najpovoljnija ponuda ponuđača: "**PRINTEX**" d.o.o. Sarajevo, za LOT-1 (desktop PC, monitor 21,5", prijenosni računar, server, dokument skener) sa cijenom od **91.534,95 KM sa PDV-om i popustom**, te da ista u ekonomskom i tehničkom smislu u potpunosti zadovoljava zahtjeve ugovornog organa. Cijeneći navedeno, a u skladu sa članom 64. stav 1. tačka b) i članom 65. Zakona o javnim nabavkama BiH, data je preporuka da se donese Odluka o izboru najpovoljnijeg ponuđača kao u dispozitivu.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.



MINISTAR

Igor Crnadak

DOSTAVITI:

1. Svim učesnicima u postupku javne nabavke;
2. Evidenciji a/a.